

佛說長壽王經

行十

西晉失譯人名

聞如是一時佛在舍衛國祇樹給孤獨園中時佛告諸比丘昔者有菩薩為大國王名曰長壽王有太子名曰長生王以正法治國無有刀仗之惱不加吏民風雨時節五穀豐熟八有隣國王治行暴虐不修正法國民貧困謂旁臣曰我聞長壽王國去是不遠熾饒富樂而無兵革之偪我今欲往攻奪其國為可得不旁臣對曰大善遂興兵而行到長壽王國界上吏民走行白王曰彼貪王興兵而來欲攻明王之國惟願豫備長壽王召其群臣而告之曰彼所以来者但貪我國人民倉穀珍寶耳若與其戰必傷害吾民夫諍國殺民吾不為也群臣白曰臣等皆曉解戰法必能勝彼不使明王之兵為彼所侵也王曰若我勝彼即有死傷彼兵我民俱惜壽命愛我害他賢者不為也群臣不聽留王於宮乃自共

相於外發兵出往界上而逆拒之長壽王謂其太子曰彼貪我國故來攻我今群臣以我故欲逆而拒之夫兩敵相向必有缺傷今欲與汝俱委國亡去太子言諾即父子共踰城而出幽隱山間於是貪王遂入其國募求長壽王金千斤錢千万長壽王後日出於道旁樹下坐有遠方婆羅門來亦息於樹下問長壽王曰卿何處人何緣在此王曰我此國中人偶來到此戲耳長壽王問婆羅門曰賢者從何所來將欲所至婆羅門言我遠國貧鄙之道士也遙聞此國長壽王好喜布施周救貧羸吾故遠來欲從乞丐用自生活不知王意於今云何卿是國人聽聞其意於今何如故肯布施不也王默然自念子用我決故從遠來值我失國到無所得而當空去甚可哀念於是王乃垂淚而謂婆羅門曰我即是長壽王也有他國王前來攻我我委國亡去隱藏此間今聞賢者故來相歸值我空窮無

以相副將奈之何前人相向哽噎啼泣王曰  
我聞新王慕我甚重卿可取我頭徃可得其  
重賞婆羅門曰遙聞大王周救一切故來乞  
丐庶得幾微以養餘命值王失國自我薄福  
今教斷頭不敢承命王曰卿故遠來欲有所  
得遇我國云無以相副且人生世皆當趣死

行九  
以身相惠何爲辭讓之也今若不取後有來  
者我猶與之不知早取也婆羅門言我不忍  
殺大王大王若知不慈之意必欲殞命以相  
惠施者但當散手相隨去耳王即隨去到城  
門外而令縛之以白貪王王即詣婆羅門金  
錢之賞遣令還去貪王於是乃使人於四衢

後自念我父仁義深篤至死不轉而此貪王  
無狀不別善惡枉殺我父惟我父有慈惻淳  
仁之心而不瞋恚然我不能忍也我不出殺  
此貪王者我終不苟生於世矣遂出庸債國  
中大臣徇園於市債人得長生使種菜種菜  
甚好後日大臣案行園田見菜甚好呼問園  
監行十  
監園監對曰前債得一人使種之故好如是  
大臣因呼長生見之間言卿頗能作飲食不  
也對曰能作之使作飲食食甚甘美因以請  
王王往臨食飲甘美因問此食誰作大臣  
對曰臣前債一人能作此食王遂呼錄將歸  
宮中使作飲食後日王問長生汝寧習兵法

不對曰實便習之王因取以置邊而告之曰  
我有怨家是長壽子恒恐行來卒與相逢今  
相恃怙幸相助偹之長生對曰唯然當爲大  
王展力効命後日王問長生汝寧好獵不對  
曰臣少小好獵王使勒外嚴駕因與長生共  
出行獵適入山林便見走獸王與長生馳而  
追之轉入深山或失道徑不得出路迷惑三  
日遂至飢困下馬解劍以授長生曰我甚疲  
極汝坐我欲枕汝膝卧長生言諾王使得卧  
長生日念我前後來求索方便今日已得  
我所願便拔劍欲殺貪王思惟我父臨死囑  
我懼篤奈何快我愚意而違慈父絕歿之教  
即內劍而止王便驚悟問長生曰我夢見長  
壽王子欲來殺我我大驚怖何以如是長生  
曰是山中有彊鬼神見大王在此故來恐怖  
大王耳臣自侍衛王但安卧無所畏懼王還  
得財長生復拔劍欲殺之重思惟父言復止  
王復驚悟告長生曰我故復夢見長壽王子

故欲殺我我大畏之何以尔也長生曰是故  
山神所爲耳王無所懼也王復還卧長生復  
還拔劍欲殺之思惟父言復止遂擲劍於地  
以無復殺王之意王復驚悟告長生言我復  
夢見長壽王子自言原赦止不殺我於是長  
生曰我即是長壽王太子長生故實來出欲  
殺大王以報父怨念我父臨死之時慇懃囑  
我不欲使我報怨而我愚癡故欲逆父之言  
詳思父教懇惻懇懃不敢違之是故令投劍  
於地以順父言雖僥倖恐後日迷失計而違  
亡父之教今故自告願大王便誅罰我身早  
滅其惡意可使終始斷絕王乃自悔曰我爲  
行  
兇逆不別善惡賢者父子行仁淳固至死不  
轉而我貪酷初不覺知今日如是命屬子手  
子故懷仁惟憶父言而不相害誠感厚潤今  
欲還國當從何道長生言我知道徑前故來  
者迷惑大王欲報父怨耳長生與王得出林  
外但見群臣散滿林際王便止坐施設飲食

王問群臣卿等寧識長壽王太子長生不中  
有不識者對曰不識中有識者昔受長生恩  
恐王殺之而言不識王便指示言是即長生  
耶王曰從今日始我自還故國長壽此國還  
付太子從今日始卿為我弟若有他國來相  
侵奪當相救助王遂率臣兵歸其本國國有

奇物更相貢遺佛告諸比丘時長壽王者今  
我身是也太子長生者阿難是貪王者調達  
是也調達與我世世有怨我雖有善意向之  
故欲害我阿難與之本無惡意故至相見即  
有和解之心菩薩求佛道勤苦如是至見賊  
害而無怨恚之心故自致得佛為三界尊諸  
比丘歡喜為佛作禮

佛說長壽王經

行十